

神池縣志卷首

目錄

卷首

序

凡例

編纂姓氏

諸圖譜

卷一

星野

疆域

古今沿革

卷二

山川

橋梁

形勢

關隘

卷三

城池

堡寨

公解

官署

倉廩

公所

卷四

學校

書院

義學

田賦

卷五

武備

驛置

舖遞

卷六

職官

科目

例職

選舉

廕襲

武貴

卷七

名宦

人物

烈女

卷八

壇廟

古蹟

卷九

風俗

歲序

物產

事考

卷十

藝文

藝文詩

神池縣志卷之十

藝文

明

移建利民觀記

山西按察司

申維岱

利民之陽近郭叅將計公安國建利民觀甫成岱以
巡歷之役至衆請記曰五兵行祠舊在嶺巘棟宇頽
圯聖像獨存神之靈昭已迨矣以新觀靈貺益顯利
舊井弗涸且遇春嘗不敷汲近鑿井二眼俱得泉水
甘冽環利遠村亦賴之歲旱三月望既徧奉文祈雨

獨利之境內得澍沾足苗今碩矣茲非神之佑乎岱
曰嘻神民之庇也地出醴泉天降甘澍謂非神之佑
不可也然謂在觀成不知上禩之旱亦獨利境偏雨
觀未建也神亦何佑乎於戲神民之庇亦民之依也
民不堪命而強以事神神將靈貺異乎余往巡歷見
利之軍容邊備時時改觀莫非民之力也迺復致力
役此果神使之乎抑有其由乎衆撫然曰利城舊不
通輓粟頗貴民未聞教怕犯名誼又克人黨結嚇騙
盜竊為良弱害自計參府到開車途通朔粟已得運

價平叛社學明

聖諭民以興行立軍中保甲消暮戎禁朋奸地方以寧老有
煢獨結丰行戶糊口少而雋秀羣之社學代備束脩
軍中旗幟之易舊皆出於軍也則恐開科擧出自已
供億置之於凡興作則每體恤其私真慈父之於子
民胥感之殆赴蹈湯火不辭矣茲之成觀有孰使乎
岱曰噫是已亦知公名觀之心乎蓋觀者觀也示也
公於利民之事固罔有不盡矣然恐有時而懈故名
觀以儆之又示後之人皆知利民事成職分內事也

胡不悉心圖之詎可曰我武臣也知有我務而已哉
不然神曰五岳曷以利民名又不曰五岳行祠而曰
利民觀乎衆曰呼衆以曰利民或因城得名曰觀若
見其屹然壯也烏知所謂觀與示願筆以為記

國朝

神池清界碑

神池知縣 李識蒙

甯武郡治背倚黃花嶺迤北羣山之麓有池一泓湛
然清澈無燠乾不涸溢若有神焉式憑之故池以神
名而神池即以神池名自代以來歷有年所矣我
國朝聲教四訖窮巖僻壤化洽風從無遠弗屆雍正三
年歲在乙巳當事者請於

朝改衛所而郡縣之即神池舊堡立為縣治牧以令長
而名仍其舊乾隆戊午不佞承乏茲土踵池而觀父

老子弟備述茲池景物之異且言環池之地歲久湮
淤農民耕種多所侵牟澄泓浩淼已失其故乃詢於
耆耆跡往輒而復古岸諸生侯世官者已價購侵地
二千四百餘步矣不佞以閒田如數畀之易以歸池
原界乃定竝其廣弱以正畛域南北凡袤二百七十
有五步東西數亦如南北之袤計田三百一十五畝
有奇週環植柳以為蔭而舊觀斯復邑父老子弟皆
欣欣喜色波光瀲灩淪漪滌洄居然一邑之勝焉因
告環池而業者勿或越畔而耕而濬池以膏其家刻

石記之使示夫永久

補池縣志

卷之十

神池學記

前人

我神池伊古為冀州北鄙在樓煩之境秦漢以還始
制為郡縣其於縣也或為新城或為鄆陽或為甯遠
或為招遠其屬郡也或為定襄或為雁門或為新興
或為晉昌其屬州也或為武州或為毅州或為朔州
又其別為桓州其屬軍也或為振武或為順義或為
宣威或為甯遠雖歷代沿革不同要皆尚武事而不
修文教蓋干戈甲冑之日而俎豆禮器之事未之聞
也然以我神池之地言之甯武為太原之屏藩而神

池實甯郡肩臂今登黃華之上流覽秦漢下逮元明
之故迹誠洋洋乎一大都會矣東則朝拱 京華而
驛直通上郡而且利民八角雙城峙後翼衛森嚴遠
之則偏老水泉為我襟帶豐勝雲中皆可控引以為
四通五達之區列塞嚴疆胥效臂指是我神池建邑
啓宇係於晉北之形勢者甚重况伊古以來界在夷
夏之交雖開闢日久又皆尚武功少文事及列朝不
乏偉人其崛起而傳史策者要皆以經行陳胙土分
茅至於文學之事從未嘗有所發揮而揚詡非特所